

東北至廣西博白縣界一百八十里

東南由永安至雷州遂溪縣界二百六十里

西南至交趾界四百二十里

西北至宣化上思州界二百二十里自府治至省城一千四百九十里至京師九千六十五里

合浦縣附郭地方五百一十里廣二百七十里袤二百四十里

東至石城縣吳浦界一百八十里

西至靈山縣丹竹江

南至冠頭嶺海岸八十里

北至靈山首舖界一百六十里

東北至廣西博白縣界一百八十里

東南至高州石城縣界一百八十里

西南至靈山縣界九十里

西北至靈山縣界一百一十里

右採錄府志

今考合浦位廣東西南隅北緯由二十一度二十五分起至二十二度三十五分止東經自百零九度起至四十五分止東西六
距一百六十里最狹處四十里南北相距二百四十里形略如靴而廣而北狹面積未經實測約一萬五千二百方里若以十相
區人行里數開方乘之方里數溢尚多 數必實測始為確定 東以分界嶺白石嶂白沙河界博白東南以洗米河界石城西南

以丹竹江界欽州西以武利江界靈山北以天柱山界貴縣橫州六萬山界鬱林興業南以冠頭岬突出東京灣國（水旁）洲島峙海中東南部為博白南端伸入幾分永安為二段所恃以連續者僅濱海二里之遙此犬牙相錯之勢也

附分野

楚地翼軫分野今南郡江夏零陵桂陽武陵長沙皆楚分粵地牽牛婺女分野今蒼梧鬱林合浦交趾九真南海日南皆粵分已上漢書地理志

南斗十二度至須女七度為星紀於辰在丑吳越之分野屬揚州

張十七度至軫十一度為鶉尾於辰在己楚之分野屬荊州 已上晉書天文志

嶺南道蓋古揚州之南境漢南海鬱林蒼梧朱崖唐（人旁）耳交趾合浦九真日南等郡韶廣康端封梧藤雷崖以東為星紀分桂柳鬱林富昭蒙襲繡容白羅而西及安南為鶉尾分 唐書地理志

嶺南三代為百粵之地在天文牽牛婺女越之分野漢之蒼梧合浦南海皆其分也兼得楚之交漢桂陽今始安北境皆宜屬楚 馬端臨文獻通考

翼軫初張十五度餘千七百九十伍秒一十二太中翼十二度終軫九度自房陵白帝東盡漢南郡江夏東達廬江南部濱彭蠡西得長沙武陵又逾南紀盡鬱林合浦地自沅湘上達黔安左皆全楚分自富昭蒙繡白容廬州以西亦鶉尾墟又斗牽牛初南斗九度餘千四十二秒十二太中南斗二十六度終女四度逾南河得漢丹陽會稽豫章西濱彭蠡南涉越門訖蒼梧南海逾嶺表皆星紀分也 唐書天文志

東粵九郡俱屬禹貢揚州南境天文牛女分野惟廬州旁蓋翼軫以廬地相接粵西南甯故星野皆同 輿地志

粵廉州翼軫 明一統志

天官書獨主南斗語稍闕略明諸臣之作一統志始考鏡於班固與僧一行之說以廉州九郡皆屬斗女而旁蓋翼軫為廉州郭
裴通志

廣東之連州廉州府欽州韶州府皆翼軫分軫十度至氏一度壽星之次也 明史天文志

廣州府天文翼軫分野鶉尾之次 大清一統志

翼宿二十二星即是翼上五下五橫看得翼四六個恰似張上三下三如鼎植翼下五個是東甌小斗九星隔河集 府志翼宿圖說

軫宿四星略方謂之軫左轄右轄兩附近軫中一星號長沙軫南青邱七星炳邱前四個土司空邱左軍門二星隱邱下器府三

十二密密相聚居河境 府志軫宿圖說

南越之地自遠固以來皆以為屬星紀牛女之分惟唐僧一行謂韶廣封梧藤羅富雷南及朱崖自此而東為星紀其西屬鶉尾

宋歐陽修唐書謂自昭象龔繡容及廉以西為鶉尾之墟前明清彙天又及一統志皆以廉屬翼軫合楚分 馬志

宋慈勣分野論曰遠固范氏以斗女為吳越分野翼軫為荆楚分凡欲知星文所係先考郡國所屬方少康熙庶子之封越國也都於

會稽其過句踐又以會稽而霸閩王搖趙它(人旁)之王也一都東甌一都番禺其地皆北接吳境故前代多以吳越並稱而史

或謂之揚粵以粵亦揚州分也凡謂牛女為吳越分野並屬揚州者皆指越東界以累世立國之地言之至兩漢地理志遂併以

鬱林蒼梧所屬在粵西界者盡為牛女分野誤矣所以杜佑通典歐陽唐書東坡指掌圖皆以為前史之失也史記趙它(人旁)

帝制之時東西萬餘里而一行山河兩界圖之說則以為自江源循嶺嶠南東及海皆蠻越地蓋越疆最廣自古謂之百粵然東

北界雖接吳西北界實接楚接吳者屬揚州星紀則接楚者當屬荊州豈有舍荆而盡屬揚乎然則嶺南之地分野所屬屬星紀

者東界也屬鶉尾者西界也今據唐書地理志及一行用車淳風說分野圖自韶廣康端封梧藤羅雷崖循北以東為星紀之分

自桂鬱富昭象龔繡谷白康循北以西為鶉尾之分則越之東界北接吳者屬星紀斗牛女分野也西界北抵楚者屬鶉尾翼軫

分野也而前史之差至是較然明矣按地理志有以廣東為揚州南境廣西為荊州南境吳踰高涼之北廬遠潯邕之南藤封以東為牛女則廣潯邕當為翼軫諸說不同但考宋熙寧八年十月彗星見未幾交趾陷欽廉邕則廉在軫也明矣周志陸清獻曰分野之說賈公彥謂古者受封之日歲星所在之辰僧一行謂是山河之首尾與雲漢之升降相應論者往往疑其不同竊以為二說一也賈公彥言其流僧一行推其源而已惟山河與雲漢旁之列宿相應故歲星在其地則受封雖千百世皆如是占可也周志

按封域分星肇自周官保章氏甘石而降迄浮風一行其說益備然求諸郡邑間輒渺茫無據慶州分野屬牛女者同揚州屬翼軫者同荊州古今聚訟舊志依本期推測諸書定為翼軫分野其說不易然求諸實用似為無取高宗刪星野之說天誠為千古不刊之至論第觀象玩占由來已久今依漢書地理志之例附錄天文諸說於輿地志中以存舊術焉張志

右採錄府志

今考慶州分野府志定為翼軫辨訂詳博道光乙巳彗星集翼軫已而洪楊事起兵戰連年遍吳楚粵區域皆翼軫分野有關占驗故其說雖近幽渺仍沿府志載之亦存而不論之意

輿地志

山脈

府志載龍門嶺府城東八里龍門水出焉

團魚嶺城東十里

饅頭嶺城東十五里

梯齒嶺城東十五里

黃龍嶺城東十五里為府龍少祖

牛角嶺城東二十里亦名望牛嶺又曰青山嶺石灣江水出焉

仙人嶺城東二十里嶺石有仙人跡故名

東山嶺城東二十餘里東山寺故址昔人題為海嶺第一峯

大嶺城東二十里

青山大嶺城東三十里高數十丈綿亘十餘里上有壩寬廣七八丈

蓬纖嶺城東三十五里

高嶺城東四十里

三山舊石康縣東四十里三峯峭立

佛子嶺城東五十餘里其麓佛子沈在焉

獅子嶺城東五十五里漢倖臣董賢父恭徙合浦葬嶺下故又呼董恭山

火通嶺由大康山蒼莽而來為大康峒唐武中置大原縣於此
黃姜嶺城東六十里大康山盤脈為火通嶺左輔

大康山府治東一百里前志作一百二十里高百餘丈為康郡鎮山綿亙三十餘里周約六七里山有五徑曰乘馬徑通大康六湖二峒曰羅

村徑通公館清湖石埭等墟曰高村徑曰牛括徑曰人頭徑俱通廣西博白地方博白番（石旁）磷山相連東漢合浦太守費貽
有廉名去之日路經山下百姓追送至此遂以名山

壁二掛燈嶺城東一百里怪石巉巖面平如砥上有棋盤廣袤二尺許石左有仙人足跡深三分相傳為仙姑下棋遺蹟
龍巖嶂城東一百里上有石峯石橋下有清泉土人稱之較常水輒重

虎頭嶂城東一百里距六湖峒五里上有石室遇亢旱士民禱雨輒應二嶂並與博白連界

夫人山城東一百二十里劉宏陳伯紹殞妻之處一名殞山

畫山城東一百五十里峯巒秀麗如畫

大石嶺城東二百餘里在進城鄉西嶺大石橫生石上有足跡深數分相傳為仙人遺跡

分界嶺城東二百二一里在進四圍南毗連博白前邑人王國士與英白民馮姿芳等互控爭佔經二縣會勘於乾隆五十年立
界石築泥塍高數丈以分疆界因名

傳螺嶺城東二百四十里合浦博白分界地

抱子嶺城東二百四十里

筆架山城東三百餘里高五十大相距半里許為筆筒山高遜之

石馬山距筆架山一里高等之白米石峯環繞左右皆高百餘丈二峯峙遙對筆架山下有田宜白米故名

石渠山與石馬山相連高四十餘丈下有石室土人祀穀神春秋祈禱於此

豐門大嶺城東二百餘里北枕廣西橫州界西抵三冬白木關

句頭嶂距府治三百餘里頭句北向故名高百餘丈形如屏列東連博白體勢尊嚴洵為萬山之冠俗傳昔有瑞仙子平潮州人

精於醫採藥山中遇仙不返今土人入山求禱醫方輒有奇驗

還珠嶺城東北二里舊有還珠亭故名漢孟嘗守郡去珠復還人慕其廉建亭以表之今廢廣東興國

馬鞍山城東北三十里舊石康縣東長沙村後

白石山城東北六十里舊石康縣東三山相接皆白石故名東坡云青山南白石北此地崔峨人不識即此 按九城志石康縣

有白石鍾即在此山下

黃稻山城東北九十里

姜山城東北一百二十里唐姜神翊曾家於此故名

雞頭嶺城東北一百三十里山西北屬靈山界

百良山城東北一百五十里與池地勝作山上產巨木良材

六陽山城東北一百八十里

六樸山城東北一百九十里東北為博白縣界

石牛山城東北一百九十里東南屬博白縣界

九連嶺城東北二百五十里東南屬博白西北屬合浦

獅子嶺城東北二百七十里在萬安連誠交界形如獅子唇下起一小圓嶺儼如毬狀因以得名按城東五十五里亦有獅子嶺

天柱山城東北三百里即屈夢（史考）地志所謂沙麻嶺也正南高山村有丹竹隘西南山鷄村有沙尾隘東北椽村橋有騰柯

隘俱與貴縣興業毗連而明為山寇出沒之地設狼兵防守今增鄉勇三名

五峯山城東北三百四十里高百餘丈山腹有明崇禎間古蒼綠竹清泉別有天地極具幽雅又有李孝子墓在焉西北與廣西

博白縣毗連

壯嶺城東北三百六十里高數百丈山半有泉曰聖泉曰龍潭曰仙女潭禱雨者取水於此多有奇驗

風門嶺城東南七里雙峯對峙如門

筆架嶺城東南七里形如筆架按城東三百餘亦有筆架山

珠砂嶺城東南七里其嶺低

冠蓋山城東南八里自大廉山發脈經青山大嶺蜿蜒（史考）而來至此突兀而起形如紗帽故名迤邐東南結為郡城下有惠

澤靈泉自石窠中出取水禱雨輒應周志

打石嶺城東南十五里上有石林土人取石於此故名

鳳冠嶺城東南二十五里

關鷄嶺城東南二十八里

草花嶺城東南二十五里圍基三五疊起產異花不可移置又名仙花嶺

獨峯嶺城東南三十五里上草花嶺之東南平地突起孤峯峻聳欲觀海者陟具巔則珠池宛然在目

牛尾嶺城東南三十里

金鷄嶺城南二里

文塔嶺城南五里爲府前案山

九頭嶺城南十里脈自大廉山繞府城東折而西繞廉江江行見之其頭有九故名山麓有天妃宮旁有船廠昔人造氣船於此八字山城南十八里建礮臺處

大塾嶺城南三十里山頂石嵯峨怪石有足跡五指分明深二寸許相傳爲仙人遺跡

銅鼓嶺一在城南七十五里冠頭嶺之左一在城西七十里

冠頭嶺城南八十里穹窿如冠西南臨海南北皆澳海船義（舟旁）馬湖長橋石如雷相傳交趾黎王堊此交趾人每三望海梁之

珊瑚嶺城西二十五里

大暈嶺城西二百四十里在進四圍西高百丈天欲雨則雲生如煙凝結不散鄉人恒以此占晴雨無或爽

北峨山城西北一百里高百餘丈

狼頭山城西北一百二十里卽糠頭山又名軍頭山相傳尉佗曾駐兵於此

登高嶺城北二十九里舊石康縣南重九士民登眺於此銅鑼湖出其陽

射馬嶺城北三十里由府達靈山官道經其下高聳多石行者必下馬故亦名卸馬嶺大清一統志又名教馬庭

鸚鵡嶺城北三十里舊石康縣西又名思峒山思鄉水出此

鷹石山城北七十里二石壁交中央武利江舟人有聲則山谷皆應故名

五黃山城北二百里周志作一百七十里曰馬蹄嶺曰通天嶺山勢蟬聯總名五黃高四五百丈相傳昔有樵者迷路遇五人資家朱顏指示得路因名山有異果食者如挾一枚卽迷歸路前明建有五黃廟白鶴觀今圯

筆竹山城北一百三十里

泗洲山城北二百七十里在萬四圍東合浦靈山分界處其龍爲數州縣登脈之祖

大莊嶺城北三百里與橫州分界

蔡龍峒城東北百餘里接大慶山唐武德中置蔡龍縣於此因峒以爲名

大慶峒在康山之南

六湖峒在康山之北

牛牯遲口陂塘石廣數尺高丈許驗有雲凝結若筍必得大雨

右採錄府志

附李懷本冠蓋山考 平園文集

冠蓋山卽饅頭嶺廉州府舊志載冠蓋嶺城東南八里自大慶山發脈經青山大嶺蜿蜒而來至此突兀而起形如紗帽故名迤邐東南結爲府城下有惠澤龍泉卽廟前之井泉也廟在龍江北村由其地而上溯之爲饅頭嶺靈泉之地脈自是登也據靈泉而斷饅頭嶺卽冠蓋山所謂經青山大嶺蜿蜒而來至此突兀而起者蓋自青山大嶺以下無如此突兀之山也所謂形如紗帽者以此山一仰一俯如紗帽之前低後昂也新志不考其蹟而誤增一饅頭嶺殆將以城東南之望州嶺爲冠蓋山矣大凡考山脈必審水源城東南有龍江自龍津橋西流繞城南入於廉江夫山脈右旋而入於城北江流左折而出於城南據龍江而斷冠蓋山在江之北不在江之南明矣饅頭嶺江北之望州嶺江南也新志不考井之所在及江之所趨官乎不知此山也舊志冠蓋山山勢迤邐東南結爲府城則城之少祖當以爲主新志又載黃龍嶺爲少祖蓋既認望州嶺爲冠蓋山又見山形卑小不足祖也要之望州嶺無突兀之勢又不似紗帽其非冠蓋山可知舊志缺載亦以其非有要之嶺不記也而況有